

الحلم

انا قلت له
تعالى نوزن غلبها
وبؤس حالها ومرها
قالي بعيني وزنتها
طلع الميزان أطنان

إحسبلي طيب عمرها
قالي دا نقص حنان
والغلب زود عمرها
بدل الزمن أزمان

,,,,,,,,,

وغصب عني رقبتها
وسمعت اخوها بقولها
إحنا ليه ما احناش كلاب؟!!!
بيأكلوها
شفتهم كفتة وكباب

بينضفوها

عمر ما لمسها التراب

ليهم اسامي بيندهوها

ع السلاسل بطبعوها

عنتر وبوبي ودياب

شعر الكلاب ببسرحوها

شعرنا م الشمس شاب

[?]

وسألها ليه ما احناش قطط

بيستحموا وينشفوهم بالفوط

وبنيموهم ع السراير

واحنا الزلط تحتينا حاير

والبعوض زي الستاير

قرصته خبرة وحوط

[?]

كانت بتسمع والنفس بيجرها

مدتله إيدها حط راسه ف حجرها

والدمع بجري وبمرار على خدها

[?]

وقالتله نام

نحلم سوا من غير كلام
ننسى المعاتبة واللام
زمناده زمن اللام
زمن الجبابة والحرام
زمن ما فيش فيه احترام
للأدمية والسلام

❏

قالتله نام
نحلم سوا بجوزين حمام
والفرن فيه حلة برام
وعلى الصينية
هحطلك كفتة وكباب
هو انت أقل من الكلاب

❏

صحيح عمر ف زمننا غاب
واتحكمت فينا الدياب
إلا التمني. ملكنا ف الدم داب

❏

بس انت نام
ف الحلم دار جوى الزحام

سلالمها مصنوعة رخام
شبابكها م الخلف وأمام
وحصان بسرجه مع اللجام

[?]

وهشتريلك كم صابونة مع الفوط
هو انت اقل من القطط

[?]

غمض ونام
الحلم ناسه كثير عظام
ف العدل بيضاهو الامام
وهيندهولك يا غلام
تعالى خدلك كم جرام
من الذهب وما فيش زحام

[?]

اسمع كلامي بس نام
هيجوزوني ابن الكرام
ونودع الجوع والآلام

[?]

فتح عيونه وقالها

ف نهاية الأحلام نموت
أكلنا وسكنا البيوت
مش عايز أرجع بطن حوت
ويصبنا م الجوع السكوت
وشمسنا يصيبها الخفوت
خلينا للملكوت نفوت

؟؟؟؟